



Sesida dals

Communitgà ils

Protocol nr.

29 d'avust 2017

31 d'avust 2017

745

### **Incumbensa Della Vedova**

concernent il resguard da lain tar la submissiun d'edifizis publics en il chantun  
Grischun

### **Resposta da la regenza**

La regenza renconuscha ils aspects positivs dal lain producì en moda persistente ed è conscienta da l'impurtanza da questa materia prima regenerabla per la politica regiunala. En l'utilisaziun per lung da l'entira chadaina da laina sa chatta in potenzial che generescha grondas valurs per l'entir chantun. Medemamain è la tgira activa dal gaud – ed uschia er l'explotaziun da laina – in element impurtant per proteger en moda persistente l'uman e ses spazis da viver.

Dapi onns è quai la clera finamira da la regenza d'utilisar tant sco pussaivel la resur-sa indigena "lain". Quai na mussan betg mo las respostas a las intervenziuns parlamentaras menziunadas Thomann e Deplazes, mabain cunzunt er numerus edifizis da la generaziun pli giuvna ch'èn construids en moda integrala en lain – sco las duas basas tecnicas a Tavau ed a Glion, indesch basas realisadas (tranter auter Puschlav) e trais basas planisadas per il mantegniment da las vias, plirs edifizis d'economia dals manaschis agriculs chantunals, il center per la scolaziun vi da maschinas al Plantahof, il center da controlla per il traffic pesant Cazas/Realta, ils stabiliments per l'allevament da peschs a Trun ed a Puschlav, l'edifizi da manaschi dal curtin forestal a Roten, las 40 stanzas da scola temporaras e la mensa per la scola chantunala grischuna cun la pussaivladad da duvrar pli tard otg stanzas da scola per engrondir la scola auta da pedagogia, ils edifizis d'alloschi temporars planisads durant la renova-zion dal convict cun la pussaivladad da duvrar quels pli tard en auters lieus ed il center per l'emprima registraziun planisà al Meiersboden – sco er l'applicaziun da lain per l'interiur (entir equipament dal nov stabiliment giudizial Realta), per fatschadas e per fanestras. Medemamain vegn lain duvrà savens sco purtader d'energia. Sper implants gronds èn en funcziun tar il chantun er numerus implants pli pitschens da pel-

lets. Ultra da quai èn differentas punts e divers surpassadis da la rait da vias chantunals vegnids construids en lain.

Tar tut las proceduras da concurrenza per edifizis dal chantun è il diever da lain adina ina varianta pussaivla. Tras la prescripziun dal label d'energia Minergie-P-Eco per edifizis novs e tras la valitaziun dals projects areguard lur cumpatibilitad ecologica, sco quai ch'i vegn pretendì da l'ordinaziun chantunala d'energia, èsi pia garanti gia oz ch'i vegnian elavuradas propostas da soluziun persistentas. Uschia resultan propostas innovativas sin basa da las pretensiuns fundamentalas envers in edifizis.

Da reglamentar da nov supplementarmain il diever da lain tar edifizis chantunals e tar edifizis che vegnan subvenziunads dal chantun cun agid da prescripziuns legalas, considerescha la regenza sco inadattà. Talas prescripziuns restrenschan fundamentalmain la concurrenza e la paletta da soluziuns. En consequenza da la favurisaziun legislativa dal material da construcziun "lain" vegnissan supprimids concurrents dal sector dals materials da construcziun massivs, sco p.ex. ils impressaris. La privilegi-saziun d'in tschert material da construcziun chaschuna plinavant ina ferma intervenziun en la responsabladad da mintga patrun da construcziun public da realisar tut ses projects da construcziun en moda individuala e sche pussaivel en concordanza cun ils basegns specificis. Ultra da quai scumonda la legislaziun davart las surdadas publicas da pretender directamain in tschert product. Quai vala tant per incumbensaders chantunals, per incumbensaders subvenziunads dal chantun sco er per incumbensaders communalas.

La regenza vegn a sustegnair activamain er en l'avegnir l'utilisaziun da lain produci en moda persistente per la construcziun, per ils interiurs u sco purtader d'energia tar edifizis novs sco er tar reparaziuns e tar renovaziuns d'edifizis existents. L'elavuraziun da basas giuridicas supplementaras per utilizar lain en moda privilegiada n'è betg necessaria per quest intent. I sa tracta numnadamain d'ina dumonda da l'execuziun e betg da la legislaziun.

La regenza propona perquai da refusar l'incumbensa.



En num da la regenza

La presidenta:

B. Janom Steiner

Il chancelier:

Daniel Spadin